



MENINGOKOKNI MENINGITIS

GENERALNA INFORMACIJA

Šta je meningokokni meningitis?

Meningokokni meningitis predstavlja ozbiljnu infekciju krvotoka i moždanih obvojnica (tanka opna koja obavija mozak i kičmenu moždinu) koju izaziva bakterija po imenu *Neisseria meningitidis*. To je relativno rijetka bolest i *obično se javlja kao pojedinačan izolovan slučaj*. Grupni slučajevi ili erupcije bolesti su rijetke u Sjedinjenim Američkim Državama.

Ko obolijeva od meningokoknog meningitisa?

Svako može da oboli od meningokoknog meningitisa ali je više uobičajen kod odojčadi i djece.

Kako se šire bakterije koje izazivaju ovu vrstu meningitisa?

Bakterije meningokokusa se šire putem direktnog kontakta sa izlučevinama iz nosa i grla zaražene osobe. Mnogi ljudi nose ove specifične bakterije u nosu i grlu bez ikakvih znakova bolesti dok se kod drugih ljudi mogu da razviju ozbiljni simptomi.

Koji su simptomi?

Iako većina ljudi koji su izloženi djelovanju bakterija meningokokusa ne obolijevaju ozbiljno kod nekih ljudi mogu da se javi groznica, glavobolja, povraćanje, ukočenost vrata i osip. Bolest ponekad završava smrću.

Koliko treba vremena da se pojave simptomi?

Simptomi se mogu pojaviti u roku od dva do deset dana nakon izloženosti na bakterije.

Kada je i u kom roku vremena zaražena osoba u stanju da prenese bolest?

Osoba može da prenesu bolest od momenta kada se zarazi pa sve dok se bakterije više ne nalaze u izlučevinama nosa i grla. Trajanje varira u zavisnosti od primjenjenog liječenja. Pacijenti moraju biti izolovani iz škole, obdaništa ili sa posla najmanje 24 sata nakon što je terapija započeta i bolest smirena.

Kako se meningokokni meningitis liječi?

Neki antibiotici su vrlo djelotvorni u eliminiranju bakterija iz nosa i grla. Penicilin je odličan lijek.

Da li treba liječiti osobe koje su bile u kontaktu sa licima kojima je dijagnosticiran meningokokni meningitis?

Za preventivno liječenje treba uzeti u obzir samo osobe koje su bile u bliskom kontaktu (članovi domaćinstva, intimni kontakti; zdravstveno osoblje koje je davalо vještačko disanje usta na usta, drugovi iz dječjeg vrtića, itd.) Takvim se osobama savjetuje da se konsultuju sa svojim ljekarom. Slučajni kontakt koji se može dogoditi u **učionici, kancelariji** ili tvorničkom prostoru je **beznačajan** da bi izazvao zabrinutost. Osobe u bliskim kontaktima (porodica, dječji vrtić,

zabavište, itd.) treba da budu upozorene da paze na pojavu prvih znakova bolesti, osobito groznice i da odmah zatraže liječenje.

Postoji li vakcina za preventivnu zaštitu protiv meningokoknog meningitisa?

Zasada postoji vakcina koja štiti od nekih meningokoknih stanja. Vakcina se preporučuje u situacijama kada se ide na putovanja u područja gdje se javljaju visoke stope oboljelih kao i studentima koji žive u domovima.

Za više informacija nazovite Odjel za zdravlje u Sjevernoj Dakoti na tel. 701.328.2378